



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem sent@engadin.com.
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, grotta da cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publicar arrandschamaints han seguaintas pussibilitats:

- a) Mas-chalch da Sent : tenor infuormaziuns sùlla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:

www.engadin.com => "Allegra das Veranstaltungsmagazin" => Veranstaltungen erfassen
opür

<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

CHARTERA PUBLICA

Culla **chartera publica** dëssan gnir promovüdas la comunicaziun e la discussiun in cumün ed invers il cumün politic. La chartera as rechatta i'l büro da Sent Turissem. La gruppa da lavur svöda la chartera ed elavurescha las intimaziuns chi pon gnir deponadas in fuorma dad ün simpel scrit.

GROTTA DA CULTURA – prosma occurrenz

infuormaziuns detagliadas i'l Allegra e suot <http://www.grottadacultura.ch>

02-06 sonda/Samstag 17.00-19.00 Schigliana

Vernissascha: ogets da Regula Füm da Scuol

Entrada gratis, cun Apéro

29-06 venderdi/Freitag 20.15, Piertan 25.-*

Erzähltheater: "Das grüne Seidentuch" von Marcella Maier, mit Sarah Huisman

* reservaziun pussibla ils/Reservation möglich am 28-06, 17.00-19.00: 079 439 89 22

SOCIETÀ DA DUONNAS - Viadi per attempats cun giantar ad Amden

La società da duonnas invida amiaivelmaing a tuot ils attempats al viadi tradiziunal. Quel es gövgia, **als 21 gün 2018** ed ans maina ad Amden, la terrassa sulagliva sur il Lai Rivan. Partenza davent da Plaz a las 08.00.

A las persunas da 70 ons e sura spordscha la società il giantar. Ils cuosts dal viadi saran tanter CHF 30 e CHF 35.

Annunzchas fin il plü tard als **15 gün 2018** ad Annatöna Pult, tel. **081 864 86 82** o **079 441 65 24**.

La società da duonnas da Sent fa quint cun bell'ora e cun numerusa partecipaziun.

SOCIETÀ D'ÜTIL PUBLIC – concerts illa baselgia da Sent**dumengia 27 mai 2018, 17 h, CHF 25.-****BRIDGES OF MUSIC**

Jonathan Faulhaber, cello e Beatrix Becker, clavazin e clarinetta

La musicista e cumponista berlinaisa collia in sias ouvras differents stils sco klezmer e tango, jazz e musica da film. Ella va in tschercha da clings ed atmosferas a Buenos Aires ed in Svizra, a Jerusalem ed a New York City. E riva novs spazis cun gronds musikers.

Organisaziun: Grotta da cultura e Società d'Ütil public.

dumengia, 3 gün 2018, 17 h, CHF 20.-**VIENS! UNE FLUTE INVISIBLE...**

Quist es il cumanzamaint d'üna poesia da Victor Hugo chi ha inspirà als duos cumponists Camille Saint-Saens ed André Caplet da scriver üna cumposiziun per flöta sopran e clavazin. Eir pro J. S. Bach e pro Antonio Vivaldi chattaina musica chi s'adatta per quista fuormaziun. I gnarà preschantà ün concert in duos parts cun musica barocca e romantica in differentas fuormaziuns per duos o trais instrumaints.

Ursula von Burg, clavazin; Gabriela Hüskens, mezzosopran e Regula Ursprung, flöta a travers sunan ouvras da Bach, Vivaldi, Quantz, Fauré, Godard, Caplet e Saint-Saens.

dumengia, 3 gün 2018, 17 h, CHF 20.-**VIENS! UNE FLUTE INVISIBLE...**

Quist es il cumanzamaint d'üna poesia da Victor Hugo chi ha inspirà als duos cumponists Camille Saint-Saens ed André Caplet da scriver üna cumposiziun per flöta sopran e clavazin. Eir pro J. S. Bach e pro Antonio Vivaldi chattaina musica chi s'adatta per quista fuormaziun. I gnarà preschantà ün concert in duos parts cun musica barocca e romantica in differentas fuormaziuns per duos o trais instrumaints.

Ursula von Burg, clavazin; Gabriela Hüskens, mezzosopran e Regula Ursprung, flöta a travers sunan ouvras da Bach, Vivaldi, Quantz, Fauré, Godard, Caplet e Saint-Saens.

dumengia, 10 gün 2018, 17 h, CHF 20.-**SOPHIE HAEMMERLI-MARTI INSCUNTRA AD ANNY ROTH-DALBERT**

Monika Käch, mezzosopran e Peter Hitz, clavazin

Sairada cun chanzuns seguond poesias da Sophie Haemmerli-Marti ed intunadas per part eir dad Anny Roth-Dalbert.

dumengia 17 gün 2018. 17 h, CHF 20.-**Concert cul Orchester "Sun e tun"**

Daspö l'utuon as reunischan amis da la musica da l'Engiadina Bassa cun lur instrumaints a corda: gïas, violas, cellos ed ün giun a far musica.

Il manader da quista fuormaziun nouva es Gyula Petendi dad Ardez.

Program:

Ferenc Farkas: Sots vegls da l'Ungaria / Ch. W. Gluck: Sinfonia G-Dur / Eric Ewazen: Four Royal Dances / Mary Alice Rich: Rondino Gioviale / Carol D Nunez: Little Siumphony / Joseph Haydn: Sinfonia G-Dur nr. 20.

dumengia, 24 gün 2018, 20:15 h, CHF 20.-**CUNTRASTS Jitka Bašťová, accordeon / Jindřich Macek, lüt / Lisa Stoll, tüba**

cumposiziuns da Giovanni Zamboni, Carlos Greuli, Hans-Jürg Sommer, J.S.Bach, Steffen Burkhardt, Astor Piazzolla, Franck Angelis, Theres Linder, Fritz Tschannen, Jindřich Macek.

dumengia, 1. lügl 2018, 20:15 h, CHF 25.-**SONATAS PER VIOLINA DA MOZART E BEETHOVEN**

Flurina Sarott, violina e Yusuke Takamatsu, clavazin

W. A.Mozart: Sonata per violina nr. 18 G-Dur, KV 301 e Sonata per violina Nr. 21 e-moll, KV 304
Ludwig van Beethoven: Sonata per violina nr. 5 F-Dur, op. 24 "Frühlingssonate".

CONCERT

Concert dal cor ad hoc da Sent e da las scolaras e dals scolars da 5 e 6avla



Il cor ad hoc da Sent e'ls scolars da 5 e 6avla s'han preparats pel concert cumünaivel tradiziunal da prümvaira.

Data: sonda, 16 gün 2018 (20.15) - baselgia Sent

Program:

No chantain üna schelta da **chanzuns spagnölas** e la "**Misa Criolla**" dad Ariel Ramirez da l'Argentina. Il cor vain accompagnà dad Elisabeth Trechslin (guitarra), Vera Schocher (guitarra), Risch Biert (clavazin), Adelina Filli (gün), Valeria Zangger (percussiu) ed Eckart Fritz (percussiu). Sco solists da chant vaina pudü ingaschar a Simon Jäger (tenor) e Martin Roth (bariton). Dirigent es Jachen Janett. Prevendita bigliets (creschüts 20 frs/uffants 5 frs): Info per giasts (081 861 88 29)

No vessan plaschair da pudair salüdar eir a vo!
Gianna Bettina Gritti, Rita Nuotclà ed Andri Gritti

SCOULA SENT – Teater

Teater giovà dals scolars e da las scolaras dal s-chalin ot da Sent

La prouva da mate sparida
crimi per giuvenils cun musica

Id es stà ed ils attestats vegnan bainbod scumpartits. Ün'ultima prouva dess però amo gnir scritta. Jimmy sto eir quist on darcheu avoir temma da nu gnir promovü. Il magister Wankelmut ha preparà la prouva, ma in ün dandet es quella sparida...

prouva generala:
mardi, ils 12 gün 2018 a las 14:00 illa sala da gimnastica da la scoula

rapreschantaziun publica:
marcurdi, ils 13 gün 2018 a las 20:15 illa sala da gimnastica da la scoula

DA DAR A FIT – ZU VERMIETEN

Da fittar a Sent ün'abitaziun da 3 ½ stanzas. A partir dals 1. settember. Abitaziun pachifica cun mobiglia aint il center da Sent ad üna posiziun quieta. Duos stanzas spaziusas per dormir, stüva, chadafö serrada cun fanestra spaisa ed ün pitschen balcon. Chombrin e maschina da lavar sun avantman. Incl. piazza da parcar. 1200.-/mais incl. cuosts supplementars.

Zu vermieten in Sent, 3 ½ Zimmerwohnung ab 1. September. Gemütliche, möblierte Wohnung an ruhiger Lage im Herzen von Sent. Zwei geräumige Schlafzimmer, Wohnstube, geschlossene Küche mit Durchreiche und einem kleinen Balkon. Abstellraum und Waschmaschine vorhanden. Inkl. Parkplatz. 1200.-/Monat inkl. Nebenkosten.

Contact/Kontakt: 079 709 03 30 oder 081 86495 26, men.zanetti@bluewin.ch

CORPORAZIUN EVANGELICA SENT**Baselgia Evangelica Refuormada dal Grischun****Votaziun dals 10 gün 2018**

Als 10 gün 2018 vaina da vuschar da la revisiun totala da la constituiun da la Baselgia Evangelica Refuormada dal Grischun. Per manar tras la votaziun da la Baselgia Evangelica, valan las disposiziuns confuorm a la legislaziun chantunala.

Dret da vuschar han persunas evangelic-refuormadas domiciliadas in Grischun (eir burgais esters) chi han accumulì al di da votaziun il 16avel on. La documainta da votaziun (carta da legitimaziun, cedla da vuschar, missiva) vain protramissa fin il plü tard ils 20 mai 2018.

Persunas cun dret da vuschar, chi nun han survgni o han pers la documainta, dessan as drizzar fin il plü tard in venderdi, 8 gün 2018, 17.00h a la seguaint'adresa:

Corporaziun evangelica Sent: 081 864 02 78, barbla.buchli@bluewin.ch

Vuschar as poja sco segua:


Corporaziun evangelica Sent:

L'urna es averta dumengia, 10 gün, davant baselgia da las 09.30-10.00 o metter aint illa chartera da la chasa pravenda, Avant Baselgia 80, 7554 Sent o francar e trametter per posta

Scha Ellas/Els vuschan per charta, na invlida da:

- suottascriver la carta da legitimaziun
- metter aint la cedla da vuschar aint illa busta da vuschar grischa (cun fouras) e da tilla serrar
- da metter la busta da vuschar insembel culla carta da legitimaziun suottascritta aint illa busta alba e da tilla serrar. Attenziun: verer cha l'adresa da la Corporaziun Evangelica es bain visibla

Ils cussagl da baselgia da Sent

ARANDSCHAMAIN

Samstag 02 Juni 2018
Sur-En

Weitere Infos:

www.engadinerhundemilitary.ch

agram@bluewin.ch

www.petevents.ch

SKG Unterengadin

Start: 09.00 – 12.00 Uhr
Startgeld: Voranmeldung 30.-Fr
ohne Voranmeldung 35.-Fr

NEU:

Nur Einheitspreis
Eigene Restauration

